

古
柳
夢
記

下
忽

天
下

李
肇
贊

佳
人
見
此

南
有
國
有
王
不
中
有
王

貴
極
祿
位
權
傾
國

幾
來
可
朱
差
夫
人



南柯

南柯夢記題詞

天下忽然而有唐有淮南郡槐
之中忽然而有國有南柯此何
異天下之中有魏魏之中有王
也李肇贊云貴極祿位權傾國
都達人視此蟻聚何殊嗟夫人



之視蟻細碎營營去不知所爲
行不知所往意之皆爲居食事
耳見其怒而酣鬪豈不呖然而
笑曰何爲者耶天上有人焉其
視下而笑也亦若是而已矣白
舍人之詩曰蟻王乞食爲臣妾

螺母偷蟲作子孫彼此假名非
本物其間何怨復何恩世人妄
以眷屬富貴影像執爲吾想不
知虛空中一大穴也倏來而去
有何家之可到哉吾所微恨者
田子華處士能文周弁能武一

且無病而死其骨肉必下爲螻
蟻食無疑矣又從而役屬其魂
氣以爲臣虜蟻之威乃甚於虎
狼此猶死者耳淳于同儼然人
也靡然而就其徵假以肺腑之
親藉其枝榦之任昔人云夢未

有乘車入鼠穴者此豈不然耶
一往之情則爲所攝人處六道
中頓笑不可失也客曰人則情
耳象何得爲彼示傲此殆不
然用所書稜象不應人國者世
儒卽疑之不知其亦爲諸蟲等

國也若知因天立地非偶然者
客曰所云情攝微見本傳語中
不得有生天成佛之事予曰謂
蟻不當上天耶經云天中有兩
足多足等蟲世傳活萬蟻可得
及第何得度多蟻生天而不作
佛夢了爲覺情了爲佛境有廣
狹力有強劣而已

清遠道人湯顯祖題

南柯夢記目次

卷上

提綱

俠槩

樹國

禪請

宮訓

謾遣

偶見

情着

決婚

就徵

引謁

貳館

尚主

伏戎

侍獵

得翁

議守

拜郡

薦佐

御餞

錄攝

之郡

卷下

念女

風謠

玩月

敬寇

閩警

雨陣

圍釋

帥北

繫帥

朝議

召還

臥轍

芳隕

還朝

粲誘

生恣

象譏

疑懼

遣生

尋寤

轉情

情盡

園鞦

帕水

閨警

雨刺

湯義仍先生南柯夢記卷上

臨川玉茗堂編

第一齣提世

長示部
振錫西
諸子也

南柯子末玉茗新池雨金柅小閣晴有情歌酒莫教
看取無情蟲蟻也關情○國土陰中起風花眼角成契
玄還有講殘經爲問東風吹夢幾時醒

登寶閣槐安國土

隨夫貴公主金枝

有碑記南柯太守

無虛誑甘露禪師

第二齣俠槩

齊破陣生佩劍上將氣直冲牛斗鄉心倒掛揚州四海
無家蒼生沒眼拄破了英雄笑口自小兒豪門慣使酒

借大的煙花不放愁庭槐吹暮秋

蝶戀花秋到空庭槐一樹葉葉秋聲似訴流年去便有龍泉君莫舞一生在客飄吳楚○那得曾懷長此住但酒千杯便是留人處有個狂朋來共語未來先自愁人去小生東平人氏復姓淳于名芬始祖淳于髡善飲一斗亦醉一石亦醉頗留滑稽之名次祖淳于于意善醫一男不生一女不死官拜倉公之號傳至先君曾爲邊將投荒久遠未知存亡至于小生精通武藝不拘一節累散千金養江湖豪浪之徒吳楚遊俠之士曾補淮南軍裨將要取河北路功名偶然使酒失主帥之心因而弃官成落魄之像家去廣陵城十里庭有古槐樹一株枝幹廣長清陰數畝小子每與羣豪縱飲其下偶此日間羣豪雨散則有六合縣兩人武舉周弁吾酒徒也處士田子華吾文友也今乃唐貞元七年暮秋之日分付家僮山鷓兒置酒槐庭以款二友山鷓何在丑扮僮上腿似水牯子臉像山鷓兒稟告東人置酒槐陰庭下二客蚤到

搗練子淨扮周末扮田上花月晚海山秋人生只合醉揚州慣使酒的高陽吾至友

周小子穎川周弁是也田小子馮翊田子華是也周

我二人將歸六合去與淳于兄告別丑主人槐陰庭
等候見介集唐縣古槐根出秋來朔吹高黃金猶未
盡終日困香醪生數日門客蕭條令人困悶周田連
小弟二人日晚歸舟竟來告別生二兄也要回去好
不悶人也槐庭有酒且與沉醉片時酒介
玉交枝生風雲識透破千金賢豪浪遊十八般武藝吾
家有氣冲天楚尾吳頭一官半職懶踟躕三言兩語難
生受悶嘈嘈尊前罷休恨叨叨君前訴休

周田槐庭下勾尊兄飲樂也

前腔把大槐根究鬼精靈庭空翠幽恨天涯搖落三杯
酒似飄零落葉知秋怕雨中粧點的望中稠幾年間馬
蹄終日因君驟論知心英雄對愁遇知音英雄散愁

周田二弟辭了生送賢弟一程

急板令道西歸迎鸞鎮頭順西風薔薇玉溝送將歸暮
秋送將歸暮秋舉眼天長桃葉孤舟去了旋來有話難
周合向晚霞江上銷憂還送送怎遲留

周田嘆介二弟此去可能更來生兄弟怎出此語

前腔周田嘆知交一時散休到家中急難再遊猛然間
淚流猛然間淚流可爲甚攜手相看兩意悠悠腸斷江
南夢落揚州合向晚霞江上銷憂還送送怎遲留

尾聲恨不和你落托江湖載酒遊，休道個酒中交難到頭。你二人去了呵，我待要每日間睡昏昏，長則是酒。

周田下生弔場，企他二人又去了，空庭寂靜好是無聊。山鷓兒揚州有甚麼會耍子的人麼？丑那裏討那則瓦子舖後有個溜二沙三兄弟會耍生，你去請來。一生遊俠在江淮，未老芙蓉說劍才。

寥落酒醒人散後，那堪秋色到庭槐。

第三齣 樹國

海棠春蟣王引衆上：江山是處堪成立，有精細出乎其類，萬戶遶星辰。一道通槐里，衆絳闕朱衣，丹臺紫氣別。

是一門天地，企把酒玉堦前，且慶風雲際。

衆行禮：企我王千歲，清平樂王綠槐風下，日影明牕。

鏘寶界嚴城，宮殿酒一粒土花金價，○千年動物生。

神端然氣象，君臣真是國中，有國誰言人下無人自。

家大槐安國主是也，本爲螻蟻別號，蚍蜉行磨，罔天。

頗合星辰之度，存身大地似蟄龍蛇之居，一生二二。

生三生者之衆，萬取千千，取百衆師成，王臭腐轉爲。

神奇真，乃是明則動動則變，變則化，泰山之於丘垤。

故所謂均無貧和無寡安，無傾一年成聚，二年成邑。

到三年而成都，寡人有些羶行，夏后以松般人以栢。

到周人而以粟敝國寄在柳安火不能焚寇不能伐
三槐如在到成豐沛之邦一本能支將作酒泉之殿
列蘭錡造城郭大壯重門穿戶牖起樓臺同人棟宇
清陰鎖院分雨露於各利翠蓋黃扉酒風雲於數道
長安夾其鸞路果然集集朱輪央都樹以葱青委是
眈眈玄蔭北闕表三公之位義取懷來南柯分九月
之宮理宜修備右邊憲獄司北棘林而聽訟左側司
馬府倚大樹以談兵丞相閣列在寢門上卿蚤朝而
坐大學館布成街市諸生朔望而遊真乃天上靈星
國家喬木樹在王門之內待學周武王神禁無益者
去有益者來聲聞隣國之間要如齊景公號令犯槐
者刑傷槐者死此乃爲君之法度要全立國之根基
所喜內有中宮之賢外有右相之助今日政機多暇
且與君臣同遊筵宴已齊右相早到

海棠春右相上日晏下彤闈承詔又趨丹陛

行禮介右丞相武成侯臣段功叩頭千歲王賜卿平
身今日召卿知吾意乎右愚臣未知王國家所慮者
天地人三不同且喜我國中天無陰雨之兆地無行
潦之侵有禮有法國中無漏網之鯨無害無災境外
有玄駒之馬便是檀蘿無警足知你槐棘有人待與

卿遊翔宮樹之前逍遙封壤之內卿意何如右君臣
 同遊太平盛事但國家還有十八路國公四門王親
 禮當侍駕王眾國公王親別行賜宴槐堦之下但與
 卿同行介紫殿肅陰陰彤庭赫弘敞風動萬年枝日
 華承露掌衆酒到右進酒介願我王進千秋萬歲酒
 惜奴嬌王大塊無和費工夫點透了幽瑣玄微謾道是
 帝虎人龍立定朝儀區區也教分取河山王氣合希奇
 今日風色晴和暫擁出宮庭遊戲

前腔右堦堦新築沙堤看高官貴種絳幘黃衣總千門
 萬戶煩星點綴依稀太乙薇垣吾工端冕任意往來巡
 歷合希奇今日風色晴和暫擁出宮庭遊戲
 鬪寶蟾湏知糝粟能飛一星星體性誰無雄氣恨些湏
 封壤草朝粗立吾志要行天上磨還聽海中雷合且徘徊
 看地利天時再行移徙

右臣啟大王敢嫌國土微小

前腔王思知蟻虱臣微共立成一國非同容易嘆生靈
 日逐貧悴一粒何必平中堪取巧節外更生枝合且徘徊
 看地利天時再行移徙

王久不曾槐陰下一遊今日盡與觀賞

錦衣香荷濃陰葉兒翠映春光榦兒碧來去瞻依縱橫

六
條直眼見參天百尺枝似樓桑村裡柳叢祠一般兒
重重遮蓋到登基龍庭朝會但有分成些基業豈嫌微
細人衆成王排班做勢

漿水令謝蒼穹調勻風日承后土般固根基九重深處
殿巍巍一線之間九曲巡回穿巷陌列朝市土堦穴處
今何世拜的拜跪的跪君臣有義走的走立的立赤子
無知

尾聲王俺建邦起土登王位右相呵你入閣穿官拜相
奇但願俺大槐安萬萬歲根兒蟠到底

萬物從來有一身 一身還有一乾坤

敢於世上明開眼 肯把江山別立根

第四齣 禪請

一淨扮老禪師上集唐老住西峯第幾層琉璃爲殿月
爲燈終年不語看如意長守林泉亦未能自家契玄
禪師是也自幼出家修行今年九十一歲參承佛祖
証取綱宗從世尊法演于西天到達摩心傳於東土
無影樹下弄月嘲風沒縫塔中安身立命可以浮漚
復水明月歸天只爲五百年前有一業債梁天監年
中前身曾爲比丘跟隨達摩祖師渡江北揚州有七
佛以來毗婆寶塔老僧一夕捧執蓮花燈上於七層

塔上忽然傾瀉蓮燈熱油注於蟻穴之內彼時不知
常有守塔小沙彌顏色不快問他敢是費他掃塔之
勞那小沙彌說道不爲別的以前聖僧天眼筭過此
穴中流傳有八萬四千戶螻蟻但是燃燈念佛之時
他便出來行走瞻聽小沙彌到彼時分施散盞飯與
他爲戲今日熱油下注壞了多生老僧聞言甚是懺
悔啟叅達摩老師父老師父說道不妨他蟲業將盡
五百年後定有靈變待汝生天老僧記下此言三生
在耳屈指到今恰好五百來歲欲往揚州了此公案
老病因循你看這潤州城對着金焦好不山川攢秀

禪堂幽靜我且入定片時看做甚麼境界也眾扮僧
俗四人持書上有時鶴去愁衝錫何處龍來喜聽經
小僧和這居士們是對江揚州孝感禪智二寺住持
祇因十方大衆之發心求契玄禪師而說法此間是
甘露寺方丈捧書而進呀禪師入定敲他雲板三聲
敲介淨醒介四衆何爲而來衆跪介揚州合郡僧俗
敬選七月十五日大會孟蘭虔請太師升座十方善
信書疏呈呈書介淨起來將書表白一番展書念介
竊以某等生維揚化月之區豈無惡業接古潤金焦
之境亦有善緣凡依玉蕊之花盡抱香檀之樹恭惟

八
甘露山王契玄太師座下性融朗月德普慈雲中含
三點之藏帶一轉二外示六爻之相互五重三鐘鼓
不交叅截斷衆流開覺路風幡無動相掃除塵翳落
空華見三世諸佛面目本來入一切衆生語言三昧
玉蘭盆裏鳴開朵朵金蓮寶月燈中打破重重玉網
但見欽光微笑普同大衆歸心惟願慈悲和南攝受
淨貧僧老病將臨不奈過江也背介纔想起揚州蠖
蟻因果敢在此行

正宮端正好我則是二文殊降下這三天竺渡江南一
蟻菰蘆金焦擺列鐘和鼓這寺裡有名甘露

回介不去罷我看衲子們談經說誦的不在話下一
般努目揚眉舉處便喝唱演宗門有甚裏交涉也

滾繡毬但說的是附鴈傳書有要還鄉曲調無怎生是
石人起舞怎生是新婦騎驢那裡有笑拈花喫荔枝則
許你單刀直入都怎生被箭逃虛我這裡君臣位上賓
和主水月光中我帶渠世界如愚

衆作請介淨既十方懇請則待過江走一遭

倘秀才恁待要三千界樓臺舌鋪不消的十二部經坊
印模禪門三下板你塵世一封書目前些子看何如我
這裡親憑佛祖

四衆先行貧僧分付你

煞先在禪智院立一本百千萬億投名簿後在孝感寺
掛一軸五十三叅聽講圖除了那戒壇上石點頭則待
看普諸天花下雨下

安排寶蓋與幡幢

方便乘杯一渡江

地震海潮人施法

管教螻蟻盡歸降

第五齣官訓

夜遊宮老旦扮國母引宮娥上宮樹槐根隱隱從地府
學成坤順衆畫扇影隨宮燕引聽重門晝漏聲花外盡
衆叩頭介宮娥叩頭娘娘千歲清平樂老火槐秋色

世外朱塵隔歌吹重重情脉脉怕道有人碩國○孔
雀扇影分行宮娥半袖通裝却是洞門深杳折旋消
得君王自家大槐安國母是也初爲牝蟻配得雄蟬
細如蟣虱之妻大似蚤盲之母偶爾稱孤道寡居然
止位中宮有女瑤芳一人號作金衫公主姿才冠世
婚嫁及期授書史於上真仙姑學刺繡于靈芝國嫂
昨承我王之命要求人世之姻必須有眼之人來得
有情之婿我想起來則有侄女瓊英郡主能會瞧人
待我先喚公主出來示以此意然後分付侄女依計
而行衆公主到

前腔旦扮公主上幻質分靈蠢也會的施朱傅粉一般
人物嬌和嫩這芳心洞房中誰簇緊

見介女兒瑤芳叩頭娘娘千歲千歲老公主你年
已及笄名方弄玉今日依于國母他日宜其家人四
德三從可知端的旦女兒年幼望母親指教老夫三
從者在家從父出嫁從夫老而從子四德者婦言婦
德婦容婦功有此三從四德者可以爲賢女子矣聽
我道來

傍粧臺老一種寄靈根依然樓閣賀生存論規模雖小
可乘氣化有人身中官忝作吾王王下國憑稱寡小君
掌司陰教齊眉至尊你須知三貝七烈同是世間人
前腔旦小小贅芳塵念瑤芳生長在王門雖不是人間
世論相同掌上珍寒餘窈窕深閨晚暖至丰茸別洞春
父王庭訓娘親細論難道這三從四德微細的不如人
翫仙燈貼扮瓊英上踏綻鞋跟蚤向朱門步穩

自家蟻王侄女瓊英便是娘娘有召敬入則個見叩
頭介郡主瓊英叩頭娘娘千歲見旦公主見禮旦
尊姊到來老郡主聽旨近因瑤芳長成堪招駙馬君
王有命若於本族內選婚恐一時難得智勇之士不
堪扶持國家要於人間招選駙馬聞得七月十五日

這揚州孝感寺禮請契玄禪師講經人山人海都往
禪智寺天竺院報名到得其時郡主可同靈芝夫人
上真仙子三人同往聽講但有英俊之士便可留神
貼謹遵懿旨

傍粧臺老女大急須婚不拘門戶則待有良姻龍類中
能煮海蝶夢裏好移魂貼知他同誰疇作夫妻分了你
蚌親父母恩俺拋眉暈忍笑痕可甚麼人烟聚裏看不
出有情人

旦瓊英姐俺便同你去聽講何如貼公主體面未宜
出遊旦這等奴有金鳳釵一對文犀盒一枚奉獻禪

師講下表我微情

前腔光景一時新待相同隨喜終是女兒身獻釵頭金
鳳朶盛納盒錦犀文貼也知妹子無他敬如是觀音着
我聞我將爲信去講座陳管教他靈山會裏直着個有
緣人

老郡主此非小可之事

尾聲到花宮不少的兒郎俊打疊起橫波着人你去可
休得漏洩了機關要老娘心上穩

選佛場中去選郎

禪床側畔看東牀

疾去疾來須隱約

好音先報與娘行

第六齣 謾遣

十一

字字雙溜二上小生家住古揚州鋪後祖宗七輩兒喜
風流自幼衣衫破落帽兒飈狐臭能吹木屑快扶頭卽
溜

自家揚州城中有名的的一個溜二便是一生浪蕩半
世風流但是晦氣的人家便請我撮科打闖不管有
趣的子弟都與他鑽懶幫閑手策無多口才絕妙有
那等弔眼子敲他幾下叫做打草驚蛇無過是脫稍
兒鬆他一籌則是將蝦弔鯉着甚麼南庄田北庄地
有溜二便是衣食父母難起動東隣邀西隣請則沙
三是個酒肉弟兄知音個說是個妙人好人老成人
少趣的叫我敗子俵子光棍子且自由他笑罵只圖
自己風光這幾日不見沙三尋他閑串去

前腔沙三上賤子姓沙行十三名濫就是水底月兒到
十三圓泛六兒七兒巧十三胡蘆官司吊起打十三扯
淡

溜沙三你犯夜了沙不犯夜不是子弟也哥溜兄弟
這幾日嘴閑了沙和你大路頭站去丑上白雲在何
處明月落誰家沙小哥落在這裏丑大哥我東人淳
于家要請溜二沙三官要子住在那門溜沙我二人

便是你東人做甚麼生意丑做裨將沙做皮匠叫我
去幫鑽丑軍營裡副將哩溜是那能飲作的淳于公
麼丑着溜沙便去便去有酒舊傾蓋無錢新白頭下
生上集唐弃置復何道悽悽吳楚間相憶不相見秋
風生近關我淳于芬休官落魄賴酒消魂爭奈客散
孟嘗之門獨醉淮陰之市想吾生直恁無聊也

錦纏道我本待學時流立奇功俊名談笑朔風生怎如
他蒼生口說難憑便道你奮發有期程則半盞河清拚
了滴珠槽浸死劉伶道的個百無成只杜康祠蘸住了
這窮三聖做個帶帽兒堵酒瓶頭直下酒淹衣襟難道

普乾坤醉眼徧只許屈原醒

丑同溜沙上三家酒注子一對色哥兒丑報介溜二
沙三官到見介溜小人名溜二沙賤子即沙三生久
聞纔識面合十個更酸鹹生怎生十個更酸鹹溜適
間老翁說把九文錢纔弊個麩沒監醋的因此小子
加上一文生笑介敢問二位在城在鄉

好姐姐溜沙廣陵郡中一城識溜二沙三名姓玲瓏剔
透人前打眼睛隨尊與哩躑躅花囉能堪聽孤魯子頭嗑
得精

溜做隻脚跪嗑二頭叫爺介沙唱哩囉躑躅介淳于兄

孤老院要去生貧子行處怎生好去沙不是是表子
 鋪生揚州諸妓我已盡知可別有甚麼消遣沙有有
 孝感寺中元孟蘭大會僧俗男女都去潤州甘露寺
 請契玄禪師講經生便去听講如何沙那裡喫素涼
 于公貪酒哩生那有此話

前腔吾生醉鄉酪酊飲中仙也有個逃禪中聖長齋繡
 佛到粧嚴得人世清山鷓兒看馬堪乘興行隨白馬藏
 鞭影坐聽黃龍喝捧聲

忽忽意不樂

留人相伴閑

上方隨喜去

秋色滿孟蘭

第七齣 偶見

普賢歌僧上終朝頂禮拜如來人肉樣的蓮花業作臺
 一家兒酒和色三分氣命財領着個鐵圍山難佈擺

小僧揚州府禪智寺一個五戒是也五戒五戒好此三
 魁魁這因孝感寺作中元孟蘭大會十方僧俗去請

潤州契玄禪師講經那禪師法旨威嚴凡有聽講者
 先于小寺投牒報名方去聽講却有西番一個波羅

門名喚石延客居小寺天竺院此人善作西番胡旋
 舞但有往來報名男女來此他便施舞一回俺寺中

好不鬧熱也目今天竺院水月觀音座前點起香燭

看甚人報名咱且迴避正是此中留半偈別院演三
車下

前腔貼扮瓊英老旦扮靈芝小旦道扮上真姑上天生
微眇小身材也逐天香過院來一尖紅繡鞋雙飛碧玉
釵小玉納汗巾兒長袖灑

貼奴家瓊英郡主承國母之命和這靈芝國嫂上真
仙姑同來禪智寺報名孝感寺聽經就裏將瑤芳妹
子玉釵犀盒施於禪師講前看有意氣郎君招與瑤
芳為壻這是禪智寺天竺院了池邊好座紫竹觀音
那香案之上有報名疏簿我們不免焚香拜了僉名

三旦同拜介

黃鶯兒一點注香沉禮南無觀世音花根本艷低微甚
趨蹌寶林威光乍臨今生打破前生蔭合拜深深姻緣
和合蟲蟻一般心

貼俺三人還將瑤芳妹子婚姻之事密禱一番拜介
前腔槐殿欲成陰把金枝付瑟琴尋花配葉端詳恁於
中細任其間暗吟無明到處情兒沁合拜深深姻緣和
合蟲蟻一般心

小旦俺們池邊消遣一會呀一個回回舞上來了

北點絳唇扮回子上生小西番恭持佛讚朝炎漢驀入

禪關日影金剛燦

自家婆羅門弟子石延的便是行脚中華寄食太竺
禪院好不奈煩散心一會呀三位女菩薩從何而來
請看俺婆羅門胡旋舞一會也

介

對玉環帶過清江引石舞介拍手天壇風飄長繡幡答
刺兜綿腰身拴束的彎衫袖打爛斑西天俏錦闌燕尾
翩翩觀音座寶欄合掌開蓮瓣散天香婆羅門回笑眼
內喝采介石一個騎馬官兒來俺去了也王貼衆有
人來我們且池邊浣手去洗手介

縷縷金生騎從上無聊賴不自憐特來禪智院打俄延
花落蒼苔面誰舞胡旋門前繫馬接了金鞭有人兒咱
瞧見

到介竹徑通幽處禪房花木深觀音座前疏簿在此
我淳于棼就此拈香報名拈香拜介

江兒水淳于弟子愁情一片銷愁無處去聽閑經卷俺
待僉名寫介僉名自僉觀音試觀作見貼介水竹池
邊因何活現

貼笑回身介靈芝嫂濕透這汗巾兒挂在那處好生
背介此女子秀入肌膚香生笑語世間有此天仙乎

回介小娘子的汗巾兒待小生効勞挂於竹枝之上
 貼笑遞汗巾生接挂介這汗巾兒粉香清婉小生能
 勾似他懷卿袖中浥卿香汗貼眾笑不應介池光花
 影娟娟可人生嘆介俺淳于棼可是遇仙也他三回
 自語一顧傾人急節中間難以相近不如且自孝感
 寺聽經去山鷓看馬來上馬介紫騮嘶入落花去見
 此脚踏空斷腸下貼此生有情人也他也去聽講咱
 瞧他去來老咳俺去不得俺真是個信女把水月觀
 音倒做了小旦怎麼說老月信來了貼罪過人這等
 咱和上真姑去便了

尾聲過別院聽談禪老靈芝去也咱和這上真仙到講
 堂呵把俺這觀郎君的眼稍兒再拋演

為看婆羅舞

相逢騎馬郎

尋荷終得藕

池上白蓮香

第八齣情着

雜扮首座僧持釣竿上佛祖流傳一盞燈至今無滅
 亦無明燈燈朗耀傳今古法法皆如貫所能貧僧乃
 潤州甘露寺中契玄禪師首座弟子是也自幼出家
 忝承多臘常只是朝陽縫破衲月下殘經近乃揚
 州孝感寺請師父說法貧僧領着眾僧安排下香燈

花菓禪牀淨几待師父升座大衆動着法器者內鼓
 樂介淨扮老禪師拄杖拂子上升座介高臨法座唱
 宗風翠竹黃花事不同但是衆星都拱北果然無木
 不朝東提拄杖介賽却須彌老古藤寒空一錫振飛
 騰拄開妙挾通宗路打斷交鋒迴避僧執拂子介豎
 起清風洒白雲河沙無地可容塵將軍一事無巴鼻
 兔角龜毛拂着人取香來拈香介此香不從千聖得
 豈向萬机求虛空觀不盡大地莫能收拈香指頂透
 十方之世界薰四大之神州爇向爐心祝皇王之萬
 歲願太子之千秋垂釣介手把金釣月一痕乘槎獨

坐到河濱悠悠泛泛經千載影落魚龍不敢吞首座
 如何是空卽色淨東沼初陽疑吐出南山曉翠若浮
 來首座如何色卽是空淨細雨濕衣看不見閑花落
 地聽無聲首座如何非色非空淨歸去豈知還向月
 夢來何處更爲雲首座多謝我師今日且歸林下來
 日問禪末下淨大衆若有那門居士禪苑高僧叅學
 未明法有疑碍今日少伸問答有麼外扮老僧上有
 有有敢問我師如何是佛淨人間玉嶺清霄月天上
 銀河白晝風外如何是法淨綠蓑衣下携詩卷黃笈
 樓中掛酒筯外如何是僧淨數莖白髮坐浮世一盞

寒燈和故人外多謝我師今日且歸林下來日問禪
下淨垂釣介釣絲常在手中拿影得遊魚動晚霞海
月半天留不住醒來依舊宿蘆花大衆還有精通居
士俊秀禪郎未悟宗機再申問答有也是無
謁金門前生上閑生活中酒噴花如昨待近爐烟依法
座聽千偈瀾番個

小生淳于芬來此叅禪想起來落托無聊終朝煩惱
有何禪機問對就把煩惱因果動問禪師見介小生
淳于芬稽首特來問禪如何是根本煩惱淨秋槐落
盡空宮裏疑碧池邊奏管絃生如何是隨煩惱淨雙
翅一開千萬里止因棲隱戀喬柯生如何破除這煩
惱淨惟有夢魂南去日故鄉山水路依稀生沉吟淨
背介老僧以慧眼觀看此人外相雖痴到可立地成
佛

謁金門後小旦道扮同貼上蓮步天臺蹕蹕還似蟻兒
旋磨上真仙竹院人兒情似可再與端詳和

淨笑淳于生你帶着眷屬來哩生回介是好兩位女
娘背嘆介禪師怎知我原無家室貼見介大師稽首
淨蟻子爲何而來貼爲五百年因果而來淨背笑介
是了是了叶侍者鋪單末鋪單介響唱介五十三單

整齊淨舉來貼響唱介妙法蓮華經觀世音菩薩普
門品淨六萬餘年七軸裝無邊妙義廣舍藏白玉齒
邊流舍利紅蓮舌上放毫光喉中玉露涓涓潤口內
醍醐滴滴涼假饒造罪過山嶽不須妙法兩三行
梁州序入天金界普門開覺無盡意叅承佛座以何因
果得名觀世音那佛告衆生遇苦但唱其名即時顯現
無空過貪嗔癡應念總銷磨求女求男智福多合如是
等威慈大是名觀世音菩薩齊頂禮妙蓮花

衆觀世音菩薩云何遊此世界云何而爲衆生說法
方便之力其事云何

前腔淨有如國土衆生應度種種法身隨化因緣說法
以觀世界婆娑一切天龍人等急難之中與他怖畏輕
離脫十方齊現豁似河沙遊戲神通一刹那合前

生後來無盡意菩薩云何淨爾時無盡意菩薩啟過
佛爺叫世尊我今當供養觀世音菩薩了當卽解下
頸上寶珠瓔珞價值紫金百千兩獻與觀世音菩薩
說道頭仁者受此法施那觀世音菩薩不肯受爾時
佛告觀世音你可哀愍無盡意和這四衆權受下了
這寶珠瓔珞那觀世音菩薩因佛爺有言受了瓔珞
分作兩分一分奉釋迦牟尼佛爺一分奉多寶佛爺

的塔你衆生們聽講這經要知觀世音菩薩有如是自在威神普同發心供養衆弟子們頂禮受持生謹
 叅太師小生曾居將帥殺人飲酒怕不能度脫也淨
 經明說着應以天大將軍身度者菩薩即現其身而
 度之有甚分別貼問介稟叅太師婦女如何淨笑介
 經明說應以人非人等度者即現其身而度之貼作
 驚介對小且背介這太師神通廣大不說應以女身
 得度到說個人非人你再問他小且問介太師似我
 作道姑的也可度爲弟子乎淨你那道經中已云道
 在螻蟻則看幾粒飯散作小須彌怎度不的占小且
 跪介太師真個天眼通有個妹子瑤芳深閨嬌小未
 克叅承附有金鳳釵一雙通犀小盒一枚願施講筵
 望太師哀愍起唱介

前腔紫衣師天眼摩訶他頸鶯嬌幾曾有瓔珞待學盡
 形供養化身難脫待把寶珠抽獻比龍女如何自笑身
 微末施的些兒個恨無多一分能分做兩分麼合如是
 等威慈大是名觀世音菩薩齊頂禮妙蓮花

生背介奇哉奇哉回介太師金釵犀盒願借一觀看
 介回盼小且貼介人與物皆非世間所有

前腔巧金釵對鳳飛斜賽煖金一枚犀盒背介看他春

生笑語媚剪層波把靈犀舊恨小鳳新愁向無色天邊
惹淨冷笑介生回唱價值千百兩未多些一笑拈花奉
釋迦合如是等威慈大是名觀世音菩薩齊頂禮妙蓮
花

生太師此女子從何而來淨背介此生癡情妄起倩
觀音座前白鸚哥叫醒他內作鸚哥叫蟻子轉身蟻
子轉身淨淳于生可聽的麼生道是女子轉身女子
轉身淨笑介日中了法衆住忝啗入定去來大千界
裏閑窺掌不二門中暗點頭下生禪師去了到好絮
那小娘子一會敢問小娘子尊姓小旦貼不應介生
貴里又不應介生敢便是前日禪智寺看舞的小娘
子麼小旦貼笑介是也生哎喲

節節高雙飛影翠蛾妙無過這人兒則合向蓮花座占
笑介我有個妹子還妙哩生笑介纔說這鳳釵犀盒
就是那妹子附寄的麼他言輕可誰看破空提作世
間人敢則有那人間貨妹子妹子你有鳳釵犀盒央他
送在空門何不親身同向佛前羅和我拈香訂做金
鈿盒

小旦啐你也叫他妹子哩生呀我淳于芬好是無聊
小娘子請子無語落花還自笑有情流水爲誰彈下

貼上真子這生好不多情也小旦看來駙馬無過此人

前腔相逢笑臉渦太多情暮涼天他歸去愁無那牙兒
嗑影兒那心兒閣向人天結下這姻緣大貼這生我常
見他來小旦你不知和我國裏相近淳于生名勢的
便是合大槐邊宋玉舊東家做了羅浮夢斷梅花臥
我們歸去來

尾聲這一座會經堂高過似綵樓多是個人兒都不着
科瑤芳瑤芳我和你選這個人兒剛則可

似蟻人中不可尋

觀音講下遇知音

有意栽花花不發
無心插柳柳成陰

第九齣決壻

西江引前老引衆上螻蟻也知春色宮槐也合朝開生
香一搦女嬌孩少甚王孫帝子

自家蟻王娘娘是也爲遣侄女瓊英叅禪聽講方便
之中因爲公主瑤芳選取駙馬蚤晚到來官奴伺候
宮娥應介

西江引後貼上郎客青袍駿馬女兒窄袖弓鞋他生未
卜此生諧還則要官闈聽采

見叩頭介啟娘娘郡主瓊英復命老講座之中可得

其人貼有一偉秀人才姓淳于名夢是這廣陵人氏
同在講筵我和上真子於講下獻上公主的犀盒金
釵此生顧盼有餘賞嘆不足他既垂情于咱咱堪留
目於他若婿此人堪持咱國

黃鶯兒天竺見他來順梢兒到講臺眉來語去情兒在
唆他外才影他內才風流一種生來帶娘娘你道此人
住居那裡合暢奇哉槐陰不遠連理就中開

前腔老天與巧安排逗多情看寶釵向燒香院宇把人
兒賽貪他俊才賠他個女才這姻緣一種前生債合暢
奇哉槐陰不遠連理就中開

尾聲便奏知國王如意好宜差差的紫衣使者去相迎
待待他睡夢了呵少不得做駙馬吾家居上宰

選郎須得有情人 一寺淳于好色身

欲附玄駒爲貴婿 始知騏驥在東隣

筵十齣就徵

駐雲飛生作懶態上伶俐癡呆萬事難消一字乖有所
是年華大沒的是心情奈咳獨自倚庭槐把日遮天矮
聽他唧啣叨嘮絮的我無聊賴死向揚州不醉哈記得
誰家金鳳釵

我淳于夢人才本領不讓於人到今三十前後名不

成婚不就家徒四壁守着這一株槐樹冷冷清清淹
淹悶悶想人生如此不如死休言在孝感寺聽了禪
師講經回來一發無情無緒我可甚打起頭腦來止
有一醉而已古人說的好事大如山醉亦休罷了獨
言獨語撒下了山鷓兒我儘意街坊遊去但有高酒
店舖顛倒沉醉一番正是不消阮籍窮途哭但學劉
伶死便埋下山鷓上好笑好笑沒煩惱趁煩惱我東
人百般武藝做了個淮揚裨將使酒丟了這官鬱鬱
不樂那酒友周弁田子華又散歸六合去了不禁蕭
索請的個溜二沙三陪話解悶罷了却被溜二沙三
勸我東人去孝感寺聽講甚麼經自那聽經回來一
發痴了不是醉便是睡沒張沒致的恰纔我溪邊檀
樹下歇晝來不知東人就往那裡去了怕他鬼迷一
般或是醉倒在街坊不雅相待去尋他又無人看家
怎生是好望介好了好了溜二沙三官正來哩溜沙
上酒見酒好朋友酒見茶是冤家山鷓哥主人在麼
丑正來央你二位看家我尋主人去溜沙恰好恰好
你迎接主人去持將可憐意看取眼前人下

前腔丑一手提酒壺肩扶生醉上丑落托摩陀爛醉如
泥可奈何你曠的喉兒挫俺閉的眉兒那丙笑介好醉

也丑哥醒眼看人多恁般低矮半落殘尊又帶去回
家嗑萬事無過一醉魔萬醉無過打睡魔

溜沙上哎喲這是怎的來丑好笑好笑再尋不見可
憐醉倒在禪智橋邊酒樓上扶的下樓又捨不的這
半瓶酒可爲甚來東人到家了醒忪些

前腔生這幾日迷癡做跌介眼似瞢瞪脚似鎚有個青
兒背少個紅兒睡沙叫介淳子兄你何處來醉的不尋
常也生作不知介誰道俺去何來尋常沾醉醉影柴
門亂踏的斜陽碎老向霜紅葉上催

吐介溜沙哎也一肚子都倒在我兩人腿脚上好酒

好酒山鷓哥快取茶來

前腔沙你汎濫流瓊倒玉山因一盞傾待把你衣冠正
你好把蹺兒定取茶進介兄靠着小圍屏一杯清茗消
灑西風醒後留清興和你待月乘涼看小螢

生倦介扶俺東廡下睡去那瓶酒好放着丑東人你
醉的這般還記的這瓶酒

前腔好不惺惚似太白驢般壓綉驄醉的那軀勞重枕
席無人奉生江冷玉芙蓉水天秋弄門院蕭條做不出
繁華夢扶睡介只落得枕上涼蟬訴晚風

丑再煎茶去溜沙我們洗脚去隨他睡覺這是人家

堂上堪飲酒自家房裡好安眠下扮二黑巾紫衣衆引牛車上為築主姬館叨乘使者車俺兩人大槐安國使者便是奉國王命召請淳于公為駟馬他正睡在東廊直入則個叫淳于公生驚醒介是誰紫衣跪介

鎖南枝紫槐安國王者都國王遣臣來奉書生因何而來紫王命有些須微臣敢輕露生睡得正甜紫扶生起介請下榻俺紅袖扶俺那裡有東牀坦君腹前腔生從空下甚意兒正秋牕風剪槐葉初一枕黑刮餘雙星使臨戶咱朦朧醒申欠舒整衣行懶移步

車牛上介

前腔紫有青油障小壁車駕車白牛當步趨紫請生上車介左右有人俱扶君出門去生向那裡去紫此古槐樹穴下而去生怎生去得紫占槐穴國所居若遲疑請前驅一紫衣先下生問一紫衣介槐樹小穴中何因得有國都乎紫淳于公不記漢朝有個竇廣國他國土廣大也只在竇兒裏又有個孔安國他國土安頓也只在孔兒裏念生槐穴中沒有國土唱前古槐穴國所居莫遲疑但前去下

右相上秋光滿槐葉春色候桃天自家槐安國右相

武成侯段功便是吾王傳令請東平淳于生爲駟馬
請到時東華館中少待俺相見過次後朝見只駟馬
初到此中精神恍惚恐其不安他平生有個酒友周
弁有個文友田子華已奏過吾王攝取他來將周弁
補司隸之官領軍吏數百巡衛宮殿請田子華替他
賓館中更衣贊禮這不在話下又國母懿旨着上真
姑和靈芝夫人瓊英郡主同去賓館中探望駟馬調
熟其心方纔請去修儀宮與金枝公主成禮我如今
且待駟馬到東華館拜望去止是仙郎高館下丞相
小車來下前二紫衣同生車上介

前腔車箱路古穴隅豁然見山川風候殊生低語介怎
有這樣一個所在不斷的起城郭車輿和人物奇怪
奇怪一路但是見我的都迴避起立何也附車者儘
傳呼爲甚呵着行人都迴避

紫跪介已到國門生好一座大城城上重樓朱戶中
間金牌四個字念介大槐安國內扮一旗卒上傳令
旨傳令旨王以貴客遠臨令且就東華館暫停車駕
卒叩頭走起同向前道行介生城樓門東有這座下
馬牌怎左邊廂朱門洞開紫到東華館了請下車生
下車入門背笑介這東華館內綵檻雕楹華木珍果

列植於庭下凡案茵褥簾幃肴膳陳設於庭上俺心裏好不懽悅也丙响道介紫右相到右相見介寡君不以敵國遠僻奉迎君子托以姻親生焚以賤劣之軀豈敢是望右有紫衣官在此演禮五鼓漏盡相引見朝

且就東華館

通宵習禮儀

鷄鳴傳漏曉

駙馬入朝時

第十一齣引謁

點絳唇周弁領直殿同黃門官上古洞今朝一般籠罩山河小鐘隱鳴梢綠滿宮槐道

請了綠槐根裏侍朝班一點朱衣劔佩環盡道官除漢司隸此間那得似人間自家周弁是也平生好酒使氣今日大槐安國中作一司隸之官統領軍吏劔百擁衛殿門有故人淳于棼新招駙馬初到朝見不免和黃門官在此候駕

前腔蟻王插花引衆上素錦雪袍朱華玉導紅雲曉槐殿裏根苗也引的紅鸞到

朱華一粒戴鰲魚洞府深七小殿居開着五門遙北望外頭還似此間無自家槐安國王有女金枝公主去請淳于棼爲駙馬想已到來不免升殿宣見黃門

跪介奏知我王駙馬已到內着右丞相引他升殿黃
門應介領旨

絳都春序生隨右相工生槐陰洞小怎千門萬戶九市
三條猛然百步把朱門到段老先生呵怎生金殿上爐
烟遶右是吾王端嚴容貌看殿頭左右金瓜玉斧明晃
一周遭

前腔生作怕介猛然心跳便衣衫造次穿朝周弁見介
駙馬行動些殿上等久生呀怎生將駙馬來相叫低
語介喜得周弁也在此向前欲問難親靠右駙馬近
前一同拜舞丹墀下揚塵舞蹈生同俯伏介右微臣
奏復天顏有喜駙馬來朝

黃右丞相起駙馬高聲致詞右相叩頭呼千歲起立
介生跪高聲奏介前淮南軍裨將臣東平淳于棼見
黃門贊拜興拜興三叩頭介黃駙馬俯伏聽令旨王
寡人有女瑤芳封爲金枝公主前奉賢壻令尊之命
不棄小國許以金枝奉事君子生俯伏介千歲千歲
王駙馬且就賓館黃門官唱駕還宮內鼓响道王還
生右跪送殿上初行叔孫禮官裏纔成公主親並下

第十二齣貳館

聽事官上出身館伴使新陞堂候官前程螻蟻大禮

數鳳凰寬自家槐安國東華館一個堂候便是我王
新招駙馬見朝暫停賓館今夕良時往修儀宮與金
枝公主成親你看一路上擺列金羔銀雁各二十對
鸞鳳錦綉各百二十雙妓女絲竹之音車騎燈燭之
艷無不齊備真個天上牛女地下螻蟻也遠望駙馬
早到

上林春生盛服上平步忽登天子堂尚兀自意逃心恍
俺淳于棼有何姻緣得到此間瞻天仰聖說及成親
一事承賢壻令尊之命此話好不蹉蹊我父昔爲邊
將未知存亡或是北邊番王與這槐安國交好家父
往來其間致成茲事也未可知呀兀的三位女客來
了

出隊子小旦道扮同老旦貼上鳳冠明漾鳳冠明漾綵
碧金鈿珠翠香烟絲綉帔晚風颺誰在東華屋裡張呀
恭喜淳于郎到此生羞避介衆却是淳郎做了阮郎
衆旦淳于郎生作揖介小淳于郎比前興了些貼瘦
了些老向前摸摸他是興是瘦生作羞避介小旦淳
于郎粗中有細貼笑介還是細中有粗老好一個赤
琅當五寸長牛鼻子生作不奈煩介老中元之日俺
們禪智寺天竺院看舞婆羅門足下與瓊英娘子結

水紅汗巾掛于竹枝之上君獨不憶念之平生想嘆
介老俺們曾於孝感寺聽契玄師講觀音經俺于講
下供養金釵犀盒足下于筵中賞嘆再三顧盼良久
頗亦思念之平生想介中心藏之何日忘之小旦不
意今日與此君遂爲眷屬俺們且去修儀官相候却
是淳郎做了阮郎下

前腔田子華冠帶引隊子上綵樓賓相綵樓賓相不向
天臺向下方金枝公主字瑤芳得尚淳于一老郎他帽
兒光光風流這場

見介田駙馬別來無恙乎謹奉王命來爲賓相生子
非馮翊田子華乎田便是生子華何以在此田小弟
閑遊受知於右相武成侯段公因而栖托在此生周
弁也在此可知之乎田周弁貴人也職爲司隸權勢
甚盛小弟數蒙其庇護矣生笑介三人俱聚于此庶
免羈孤之歎可喜可喜紫上駙馬吉時進宮成禮田
不意今日覩此盛禮願無相忘便請升車紫衣扶生
升車介雜執燈上行介

前腔衆步圍金障步圍金障彩碧玲瓏數里長花燈引
道照成行生子華兄咱端坐車中意惚恍田笑介駙馬
享用禮之當然且自安詳何須悒快下

前腔貼衆上奏樂戲笑介翠羅黃帳翠羅黃帳夜合宮
槐覆苑牆偶然同向佛前香粉帕金釵惹夢長生衆上

介合眼色相將迎歸洞房

生衆作引車避看衆旦下介生子華兄那羣姑姊妹
各乘鳳輦往來此間便是仙姬奏樂宛轉凄清非人
間之所聞聽也田吉時將近便好趨行

前腔生仙音淒亮仙音淒亮來往仙姬輦鳳凰似洞庭
哀響隱瀟湘使我心中感易傷田人生如寄聞樂不樂
何也休憶人間相逢未央

前面修儀宮請下車羣仙姊妹紛然在旁小弟告辭

了正是襄王尅神女宋玉轉西家下

第十三齣尚主

清江引貼衆奏樂上仙家姊妹迎仙眷飛仙鳳輦仙
樂奏鈞天儀從來仙苑教仙郎下車拜着修儀殿

老旦請公主升殿

女冠子扇遮公主上介彩雲乍展下粧臺回眸低盼纔
離月殿試臨朱戶知爲誰綵繡教人腩腆貼衆笑介老
請駙馬上殿開扇生上天仙皆臨見好略露花容暫
迴鸞扇合這姻緣不淺金穴名姝絳臺高選

老贊拜天地介轉向拜國王國母千歲介贊駙馬拜

見公主公主答拜介內使送酒介槐安國裡春生酒
花燭堂中夜合歡國主娘娘欽賜駙馬公主合番之
酒生日叩頭謝恩介老駙馬公主飲合歡之酒合番
介

錦堂月生帽插金蟬釵贊寶鳳英雄配合蟬娟點染宮
袍翠拂畫眉輕線君王命即日承筐嫦娥面今宵却扇

合拈金盞看綠蟻香浮這翠槐宮院

前腔旦羞言他將種情堅我瑤芳歲淺教人怎的支纏
院宇修儀試學壽陽粧面號金枝舊種靈根倚玉樹新
連戚畹合拈金盞看綠蟻香浮這翠槐宮院

前腔老小貼背介姻緣向雨點花天香塵寶地無情種
出金蓮回介偶語低迴一笑鳳釵微顛你百感生仙宅
瓊漿一捻就兒家禁巒合拈金盞看綠蟻香浮這翠槐
宮院

前腔衆天然王第亭園王家錦繡粧成一曲桃源宵窈
幽微樂奏洞天深遠背介西明講士女誼壇東華漏王
姬築館合拈金盞看綠蟻香浮這翠槐宮院

衆月上了

醉翁子簾捲看明月秦樓正滿生把弄玉臨風笑拈簫
管今晚烟霧雲鬟家近迷樓一笑看合曾相見是那

種瓊花種下槐安

前腔生低介真罕一霎兒向宮闈腹坦想二十四橋玉
人天遠深淺隻影孤寒怎便向重樓曲戶眠合曾相見
是那一種瓊花種下槐安

倦僂令槐餘三洞暖花展一天寬記取斜月鸞迴笑歌
巖春壓細腰難愁遠山

前腔淳于沾醉晚滅燭且留殘試取新紅粗如人世顯
渾似遇仙還雲雨間

尾聲儘今宵畧把紅鸞蘸五鼓謝恩了蚤畫蛾眉去鵝
鷺班則怕你雨困雲殘新睡懶

集唐

帝子吹簫逐鳳凰 斷雲殘月共蒼蒼
傳聲莫閉黃金屋 好促朝珂入未央

第十四齣伏戎

賀聖朝檀蘿王赤臉引隊衆上人地非常變化成團占
住檀蘿黃頭赤脚瘦投莎牛鬪看成兩下

草昧成中國城池隔外邊豈無刀畫地仍有氣冲天
自家乃槐安國東檀蘿國主是也我國東盡白檀西
連紫邏子孫分九溪入洞門戶有百孔千竅藤薛同
朝山有木而誰能爭長槐檀一火天有時而豈可鑽
先止因他是玄駒咱形赤駁遂分中外致有高低恃

他如赤象之雄觀我如黍米之細近日得他文書于
 槐安國上加了一個大字好不小視人也隔江是他
 南柯郡地方魚米不免聚集部落搶他一番象演介
 豹子令同是蟻兒能大多分上分兵等一窩欺負俺國
 小空虛少糧食不知俺穿營驀澗走如梭合安排個個
 似螻羅

前腔隔江西畔有一郡南柯他聚積的羶香可奈何要
 那槐安安不的俺征西旗上也寫着個大檀蘿合安排
 個個是螻羅

地接羅施鬼

人稱藤甲兵

南柯堪一葦

同去覓臙腥

第十五齣侍獫

寶鼎現王引衆上綠槐風小正絳臺清暇日華低照巧
 江山略似人間立草昧暗憑天道生同右相上且喜君
 臣遊宴好南郡偶然邊報合看尺土拳山寸人豆馬一
 樣打圍花鳥

見介玉樓春王吳頭楚尾我家國臺殿玲瓏秋瑟瑟

生萬年枝上最聲多報道蚤寒清露滴右日高風細

爐烟直洞壑朝天天咫尺合諸邦蟻伏盡無虞惟有

檀蘿費裁劃王昨日覽奏檀蘿侵攬南柯郡界國久

無事人不知兵右相欲請寡人畋獵龜山以講武事
 不知本朝先世曾有征戰之事乎右有祖宗朝的故
 事漢乾封元年曾在河内人家千人萬馬從朝至暮
 而往來晉太元中曾在桓謙之家披甲持槊沿几登
 竈而飲食元魏天安元年在兗州赤黑相鬪赤者斷
 頭而死東魏武定四年在鄴都黃黑交戰黃者班師
 而薨此吾國征伐之故事也王先朝可有畋獵之事
 乎右南齊朝曾在徐玄之家武士數千縱橫於花壇
 之上不止火獵兼之水嬉網罟數百鈞于硯山之池
 獲魚數百于頭此我國畋獵之故事也王獵於龜山
 者何也右天上星宿龜為玄武以此國家講武應向
 龜山王右相言之有理陪從官員可以齊備生已着
 司隸校尉臣周弁掌武處士臣田子華掌文臣芬與
 右相段功護駕王這等就此駕行行介
 好事近遊踐海西郊擺鸞輿天開黃道陣旗花鳥閃開
 了獸喧禽噪連天金鼓山川草木驚飛跳揀良時奏旨
 施行圍了內聽號頭高叫

到介王此所謂龜山乎上隆法天下平法地背有盤

文以法星宿昔人九月登龜伐鼉良有以也且是豐
 草茂林禽多獸廣長揚上林可以方矣分付六軍大

無事人不知兵右相欲請寡人畋獵龜山以講武事不知本朝先世曾有征戰之事乎右有祖宗朝的故事漢乾封元年曾在河內人家千人萬馬從朝至暮而往來晉太元中曾在桓謙之家披甲持槊沿几登竈而飲食元魏天安元年在兗州赤黑相鬪赤者斷頭而死東魏武定四年在鄴都黃黑交戰黃者班師而薨此吾國征伐之故事也王先朝可有畋獵之事乎右南齊朝曾在徐玄之家武士數千縱橫於花壇之上不止火獵兼之水嬉網罟數百釣于硯山之池獲魚數百于頭此我國畋獵之故事也王獵於龜山者何也右天上星宿龜爲玄武以此國家講武應向龜山王右相言之有理陪從官員可以齊備生已着司隸校尉臣周奔掌武處士臣田子華掌文臣蔡與右相段功護駕王這等就此駕行行介

好事近遊踐海西郊擺鸞輿天開黃道陣旗花鳥閃開了獸喧禽噪連天金鼓山川草木驚飛跳揀良時奏旨施行圍了內聽號頭高叫

到介王此所謂龜山平上隆法天下平法地背有盤文以法星宿昔人九月登龜伐鼃良有以也且是豐草茂林禽多獸廣長揚上林可以方矣分付六軍大

煞手打圍衆應領旨介搥鼓殺介射作擒虎介射雁

介

千秋歲展弓刀便有翅飛難道看紛紛驚彈飛砲地網
天牢地網天牢索撞着掘海爬山神道接着的剽踏着
的擣騎和步橫又直鈔衆喊介拿倒穿山甲王大笑介
此俺國世仇也衆任你穿山攬這風毛雨血天數難
逃

田處士臣田子華文墨小臣躬逢盛典謹撰大槐安
國龜山大獵賦奏上王奏來田跪念介幽哉大槐安
之爲國也前矜龍嶺後枕龜山龜山者玄武之精也
西望則有西王母之龜峯焉東顧則有東諸侯之龜
蒙焉爾其爲山也其上穹窿其中空同形如巴丘之
蛻骨勢似鰲山之頂蓬草木生其背禽獸穴其胸文
有河洛之數武有介冑之容駙馬都尉臣淳于棼右
丞相段功等仰首嘆曰丕休哉龜山鬱鬱葱葱吾王
不遊虎兕出於匣外今日不樂龜王毀於櫝中君王
感焉武功其同是月也涼風至草木隕鷹擊鳥豸祭
獸君王乃冠通天之冠被玄衮之袍佩于將登華芝
雨師洒道風伯清塵因是以左丞侯右淳侯率其蟻
附之屬若大若小紛紛蟄蟄乘玄駒而綴步趨者殆

以萬計金鼓震天旌旗耀日雷砲霜刀風燔雨畢周
 圓而陣於七十二鑽之上時至今起人喧物華挂飛
 猿趾長蛇碎熊掌糜象牙咀豹文嘷犀花髓天鷄腦
 神鴉至於雉兔數萬他他藉藉君王未之顧也最後
 得一甲獸蓋鯨鯢雲帶穿山之甲露浮水之嘴舐啖
 至毒不可勝紀宄于山腹火而獻之君王欣然仰天
 而嬉口龜山有靈此其當之矣寡人鄙小其敢朶頤
 蓋茲山以土石爲玄殼以草樹爲綠毛今此之獵盡
 矣乃遂收旗割鮮鳴鐘舉酒凱歌而旋旣醉旣飽微
 臣授簡作頌獻于座右頌曰隆隆龜山龍岡所蔽玄
 玄我王卜獵斯至非虎非羆日雨日霽服猛示武遺
 膾去智願以龜山下年卜世螻蟻微臣願王千歲千
 千歲王大笑介妙哉賦也昔漢武皇見司馬相如子
 虛賦嘆恨不得與他同時今寡人與子同時幸哉

好事近一聲驚破紫葭毫賦就上林分曉堂堂一貌好
 個田郎京兆飄飄凌雲氣色爭高駙馬這田子華才子
 之文不可泯滅可雕刻在金鑲玉板之上顯的俺國
 中有人添故事與龜山榮耀賞他何官則好笑子虛
 烏有寡人得侍同朝

右侯今日之獵樂乎右今日以南柯有警講武茲山

非樂也臣已于國史之上書了一行生怎麼書右大
槐安國義成元年秋八月大獵於龜山講武事也王
這等可傳旨再講武一番鼓吹演介

千秋歲演龍韜把猛獸似誅強暴密札札做勢兒圍繞
演介一點旗搖看一點旗搖齊聲殺上休教流落鈿
兒單鎗兒照前頭跳後頭撲着就裡把兵機討看臂鷹
老手汗馬功勞

王傳旨衆軍罷獵回朝衆應介鼓吹介
越恁好大打圍歸去打圍歸去畢崩崩鼓細敲迸鈺鈺
點鐃齊悉索齊獲鐸啣渣渣玉簫玉簫間着匹喇喇笛

聲兒齊嘈嘈唳嘹剪茸茸翠稍齊臻臻馬道兒立着隊
梢盈纓繳撒袋兒搖一個個把歸鞭裊裊順西風揚疾
馬上調笑

傳旨趨行介

前腔灑風塵故道風塵故道呆哈哈狡獸挑喘吁吁想
逃狗兒載鷹兒套宰冷冷樹梢蘸着濕漉漉獸巢兒暫
蕭條這遭鬧炒炒氣淘打孩孩順哨兒前唱後邀觀禽
貌揣獸膘猛說山川小有這些殺獲不筭窮暴

右奏知俺王已到都門了

紅繡鞋聽諸軍肅靜囉啣囉啣賀君多得腥臊腥臊有
南柯夢卷上

分例大賞犒毛赤剝肉生燒沽老小祭鎗刀

尾聲倚長空秋色打圍高暗藏着觀兵演哨衆願萬萬

歲龜山鎮國寶

王國家大閱禮成駙馬中宮留宴右相可陪衆國公

王親以下賜宴槐角樓商議南柯一事衆應介

曾濟齊師學陣圖 千人萬馬出郊墟

吾王所饌能多少 一獵歸來滿後車

第十六齣得翁

驀山溪生人間此處有得神仙住春色錦桃源蚤流入

秋光殿宇旦細腰輕展漸覺水遊魚嬌波潏灑橫眉宇

翠壓巫山雨

阮郎歸生藕絲吹軟碧羅衣縷金香穗歸旦綠牕槐

影翠依微出花宮漏遲生穿玉境侍瑤姬微生遭際

奇旦駙馬呵和你歡多怕忘却蚤朝時歸來人畫眉

駙馬到此月餘情義日深榮華日盛出入車服賓御

遊宴次於王者意亦可矣然竊觀駙馬常有蹙眉之

意如聞嗟嘖之聲含愁不語却是爲何生小生落魄

多年榮華一旦不說傾宮羅綺盡世膏粱且說貴主

嬌姿儘我受用有何不足致動尊懷所以然者遇貴

主有天上之樂想亾親有地下之悲耳旦這等公婆

前過幾年了生婆婆葬在家山禪智橋邊好墓田則
你公公可憐也旦駙馬試說其情

白練序生心中事待說向粧臺自嘆吁吾先父爲將佐
邊頭失誤旦原來老老爺用兵矣利可得生還生嘆介
身歿旦歿在何地生他歿在胡旦幾年上有音信生可
十數年來無寄書近來却是古怪旦怎的來生前日成
親蒙千歲親口分付係俺父親之命那時好不疑惑
旦便好問俺父王所在了生以前未敢造次直待龜
山罷獵留宴內庭纔敢動問千歲既知臣父親所在
臣請敬往問安那時千歲劈口應說親家翁職守北

主音問不絕卿但具書相問未可傾去公主呵何緣
故教人平白地暗生疑慮

醉太平生聽語你少年孤露這遇妻所拾得親父生泣
介知他北土怎的旦既然守土知他那裡歡娛生又
泣介俺待稟過公主潛去北土打聽父親消息旦摸
糊那胡沙如夢杳如無不明白怎尋歸路生待俺再奏
過千歲分明而去旦他眼前兒女幾日成親便教卿
去

白練序生難圖怎教他在北土天寒草枯似俺這洞府
北他何如旦且依父王旨先寄問安書生踟躇空寄書
南柯夢卷上

旦也寄些禮物去生泣介要報陽春寸草無旦這等
怎好生泣介賢公主似這般有子等如無物

醉太平旦背介真苦他身爲贅壻要高堂禮節內家區
處回介駙馬想起來你在俺國中豈可空書問候奴家
早已做下長生襪一雙福壽鞋一對可同書寄去生
這等生受了旦些微針指也見俺一房兒婦生有誰
將去旦你修書俺依然送與父王知便千里一時將
去生這等俺卽封了書禮只煩公主入宮轉達下情旦
使得奴便與繫書胡雁怎教駙馬不報慈烏

旦還一件請問駙馬你如今可想做甚麼樣官兒生

俺酣蕩之人不習政務旦卿但應承妾當贊相

尾聲俺入宮闈取禮和你送家書見父王求一新除生

這等做老婆官了旦便做老婆官有甚麼辱沒你這

于家七代祖

驥子書猶隔

鸞儔鏡乍輝

綠槐無限好

能借一枝棲

第十七齣議守

遶地遊右相上金章紫綬獨步三台宿正朝下日移花
甃看簪髮絲稠帶腰圍瘦無非爲國機謀

平明登紫閣日宴下彤闈未奉君王召高槐晝掩扉

自家右相武成侯段功奉掌朝綱留心邊計昨因檀
蘿數爲邊患我主賜宴槐角樓與一衆科道商議奏
選南柯太守未知意屬何人紫衣官蚤到也紫上書
漏希傳高閣報君顏有喜近臣知見介段老先生蚤
朝辛苦右恰待文書房相問奏補南柯郡太守一事
旨意可下了紫右侯不得知恰好此本上去正直公
主入宮一來替駙馬寄書令尊二來替駙馬求官外
郡則怕就點了南柯之缺也未可知右這却難道
剔銀燈論南柯跨踞雄州近檀蘿要習邊籌那淳于貴
壻性豪杯酒怎生任得邊州之守合許否心中暗憂官
庭事又難執奏

前腔紫論朝綱須問君侯大地方有得于求則一件君
侯疎不問親了他與玉人金屋並肩交肘怎佩不得
黃金如斗合許否心中暗憂官庭事又難執奏
右許他也索罷了則怕此君權盛之後於國反爲不
便且自由他

欲除新太守

不少舊英豪

且順君王意

相看兒女曹

第十八齣拜郡

西江引生上本自將門爲將偶來王國扶王風流偏打

內家香更有甚中情未講

〔集唐〕秦地吹簫女盈盈照紫微可中纔望見花月倚門歸日前公主入宮一來寄書禮於家尊二來替我求一官職這晚近一路紗燈公主到來也

〔前腔〕且引女官燈籠上幾夜宮闈宴賞爹娘愛惜瑤芳月高燈火照成行款蹙金蓮步障

〔見介〕生公主入宮數晚小生殊覺淒涼書奉家尊可曾寄去且聽道來

〔玉胞肚〕將書傳上父王言禮儀合當卽時間人往邊鄉臨付與叮嚀停當〔生〕怕回書遲慢〔旦〕粗將孝意表高堂

但取平安要怎忙

〔五扮小軍上〕爲人莫做軍做軍多苦辛俺小軍從北邊來取了駙馬老老爺平安書不免投上〔見叩頭介〕小人北邊送書禮老老爺十二分歡喜回書呈上〔生〕驚喜介起來起來真個有了回書我的親爹呵捧書開看介平安報付男淳于棼呀八個字分明老父手筆〔旦〕你且念書奴家聽〔生念書介〕伏承大槐安國王前示欲汝尚主得書履襪知盛典成就加以貴主有禮喜慰發狂別近廿載朝夕憶念兒以槐序備國肺腑百宜周盛頗憶生平親戚里間存旺餘幾宜詳再

信助展遐繼欲往視兒奈彼此路道乖遠風烟阻絕
父子不見抱恨重深汝且無便來觀歲在丁丑當與
汝相見生拍書痛哭介俺的爹相去十七八年只道
故了何意今朝重見平安書迹居然如在不能勾往
見他要兒子何用也哭倒且扶介駙馬休得過傷
前腔生端然無恙如昔年教誨不忌問親隣興廢存亡
叙風烟悲楚哀傷且約丁丑年相見好了生知他後會
可能相怎得溫衾扇枕床

粉蝶兒紫衣捧詔上詔選黃堂捧到秦樓開放

令旨已到跪聽宜讀詔曰昔稱華國左戚右賢文武
並茂吾南柯郡政事不理太守廢黜欲藉卿才可屈
就之便與小女同往欽哉謝恩生且起紫見叩頭介
恭喜公主駙馬黃堂之尊了千歲還有別旨

玉胞肚叫有司停當把太守行裝備詳掌離珠感動娘
娘出傾宮錦繡奩房且還有象車騎僕妾都列在廣衢
傍鸞駕親身餞遠行

前腔生喜介敢前希望憶年時醉遊俠場普人間沒俺
東牀南柯飲着瓊漿合這是有緣千里路頭長富貴
榮華在此方

尾聲紫從來尚主有輝光你整朝衣五鼓朝廊謝恩了

辭朝做一事講

衆下生多謝公主擡舉有此地方且惶愧惶愧生還要請教南柯大郡難以獨理加以小生素性酣放意下要奏請田子華周弁二人同典郡政何如且但憑尊裁

新命守南柯

恩光附女蘿

明朝有封事

數問夜如何

第十九齣薦佐

生查子紫引隊子上一掌殿宮墀洞府晨光露萬點正奔趨遍起了朱門戶

衆將軍上殿俺大槐安國今日駙馬辭朝各官在此候駕

前腔生朝服捧表上槐殿隱香爐禁幄承恩處五馬更踟蹰御道裡開賢路

紫駙馬請上御道生跪介新除南柯郡太守駙馬都尉臣淳于芬謝恩即日之任敬此辭朝生三叩俯伏介紫駙馬謝恩表就此披宣生臣此表章不止謝辭恩寵兼之舉薦賢才伏望俺王聽啟

桂枝香念臣將門餘子素無材術誠恐有敗朝章至此心慙覆餗待廣求賢士廣求賢士備臣官屬與臣咨助

紫駙馬所薦何人生伏見司隸潁川周弁忠亮剛直
有毘佐之氣處士馮翊田子華清慎通變達政化之
源二人與臣有十年之舊備知才用可託政事周弁
請署南柯郡司憲田子華請署南柯郡司農庶使臣
政績有聞憲章無紊念臣愚願得從銓補南柯治有
餘

紫駙馬起候直生起介想令旨必然俯從周司隸田
秀才有此遭際也內令旨到駙馬薦賢爲國寡人嘉
悅依奏施行生叩頭呼千歲起介

神仗兒周田上蒙恩點注蒙恩點注南柯太守淳郎摧
舉做司憲司農前去來闕下叫山呼

跪介新除南柯郡司憲前司隸臣周弁新除南柯郡
司農處士臣田子華叩頭謝恩叩頭呼千歲起介相
見介生二君恭喜了周田謝堂翁擡舉之恩紫駙馬
便當起程國王國母早已關南有錢

集唐 濯龍門外主家親 半歲遷騰依虎臣
却羨二龍同漢代 出門俱是看花人

第二十齣御餞

二紫衣上玉樓銀榜枕嚴城翠蓋紅旂列禁庭二聖
忽排鸞路出雙仙正下鳳樓迎今日國王國母餞送

駙馬公主之任南柯鸞輿蚤到

傳言玉女王同老旦引官娥上玉洞烟霞一道晴光如
畫回首鳳城宮院見琉璃碧瓦衆宮娥侍長半插貂獬
隨駕合送一對千飛鳳嬌鸞姹

紫衣見介千歲千歲王筵宴齊備麼紫俱已齊備王
已勅有司備辦太守行李紫行李整齊官娥娘娘傳
旨房奩金玉錦繡車馬人從都要列於通衢之上許
萬民縱觀紫知道

疎影生日上冠裳俊雅正瑤臺鏡裡鳳妝濃乍旦好夢
分明素情嬌怯慢引香車隨馬紫摧介君王國母親臨
餞快疾着綠槐幢下合真乃是夫貴妻榮一對堪描堪
畫

紫衣報介駙馬公主見生日俯伏介微臣夫婦沾恩
遠勞聖駕無任誠懽誠忭誠惶誠恐王本不忍處卿
於外南柯有卿免寡人南顧之憂耳老旦泣介俺的
公主兒遠行苦也旦作泣介俺的親娘呵王在家爲
公主出嫁爲郡君有何所苦而泣乎生日叩頭介微
臣恭受鴻私願大王國母千歲千歲千歲王願汝
夫婦同之生日進酒介

畫眉序王晴拂御溝花祖葬城南動杯掌儘關南一面

借卿彈壓憑仗你半壁門楣看覩俺一分天下合南柯太守風流煞一路裏威儀瀟灑

老公主呵今日南柯便是你家了俺官中寶藏盡作賠奩你看通衢之上呵

前腔雲樹玉交花日影光輝度塵鏤但閨房所要盡情相把擺天街色色珍奇出關外盈盈車馬合南柯太守風流煞一路裡威儀瀟灑

前腔生平地折官花大郡猥當漢才乏便尋常錢送敢煩鸞駕祝太山太水千秋喜治國治家一法合南柯太守風流煞一路裡威儀瀟灑

前腔旦生小正嬌花酬謝東風許花發但隨夫之任賜粧如嫁因夫主占了兒家爲郡君將離膝下合南柯太守風流煞一路裡威儀瀟灑

生日跪介微臣何德煩動至尊敢問南柯以何而治王南柯國之大郡土地豐穰民物豪盛非惠政不能治之况有周田二卿贊治卿其勉之以副國念生叩頭介微臣謹遵王命老公主行矣聽母親一言淳于郎性剛好酒加之少年爲婦之道貴乎柔順爾善事之吾無憂矣南柯雖封境不遙晨昏有聞今日睽別寧不沾巾老同日泣介旦謹領慈命拜別介

滴溜子王南柯郡南柯郡弗嫌低亞公案上公案上酒杯放下有脚的陽春五馬休只管戀着衙長放假他那裏地方人物稠雜

王傳旨鼓吹旗幟送過長亭行介

鮑老催衆街衢鬧雜街衢鬧雜鸞輿直送仙郎發秦簫吹徹鸞同跨看乘龍乘的是五花馬君王駙馬多懽哈則娘娘公主悽惶煞留不住雙頭踏

衆千歲爺過長亭了王終須一別駙馬公主勉之生旦俯伏介微臣夫婦不敢有忘願我王娘娘千歲千歲千千歲生日下王傳旨回宮

雙聲子衆力力喇力力喇都是些人和馬濟濟咋濟濟咋兩下裡吹和打嘻嘻哈哈嘻嘻哈去了價去了價向槐陰路轉數點宮鴉

尾聲看他們時至氣化一鞭行色透京華似這樣夫妻人世上寡

雙鳳銜書次第飛

駉駉羽騎歷城池

集唐

瓊簫暫下鈞天樂

今日河南勝昔時

第二十一齣錄攝

字字雙丑扮府幙官上爲官只是賭身強板障文書批點不成行混帳權官掌印坐黃堂旺相勾他紙贖與錢

糧一搶

自家南柯郡幕錄事官是也闕下正堂小子權時署
印日高三丈還不見六房站班可惡可惡

前腔扮吏上山妻叫俺外郎外郎猾浪吏巾兒糊得翅
幫幫官樣飛天過海幾椿椿蠻放下鄉油得嘴光光揖

介銷曠

丑惱介咄幾時不上公堂望搖搖擺擺來銷曠莫非
欺負俺老權官教你乞拷在眉毛上吏跪介恩官典
頭忒莽撞百事該房識方向作送鷄介下鄉袖得小
鷄公送與恩官五更唱丑好個鷄兒鷄兒吏聽得老

爺好晤覺出堂忒遲因此告狀的候久都散了小的
想起來老爺寸金日子不可錯過小的下鄉撈的兩
隻小鷄母的宰了公的送爺報曉一日之計全在干
寅丑有意思有意思我的都公請起丑跪扶吏起介
我從來衙裡沒有本大明律可要他不要吏可有可
無丑問詞訟可要銀子不要吏可有可無丑惱介不
要銀子做官麼吏爺既要銀子怎不買本大明律看
書底有黃金扮報子上見介飛報送上丑看報介右
相府一本南柯缺官事奉令旨駙馬淳于夢有點呀
新官到了寸金日子丟在那裏報駙馬爺馬牌到丑

叫各房打理迎接吏都有舊規丑舊規不同要起駢馬府公主殿要珍珠轎綃金傘女戶扛擡吏小的知道如今事體迫了爺兩隻手標票兒纔好丑作兩手標票介吏一票叫吏房知會官吏一票戶房支放錢糧一票兵房差點吹手阜快轎馬勘合一票禮房知會生儒耆老僧道又要幾個尖嘴的教坊丑要他怎的吏會吹一票刑房查點囚簿送刑具一票工房修理府第家火第一要個馬子線香丑這緩得些吏奶奶下了轎滿地跳一票架閣庫整頓卷宗交代一票承發科寫理脚色憲綱一票雜辨吏鋪瓊結綵一票帶辨吏送心紅紙張一票各馬驛下程中火一票各社總選門子要一丈二尺長丑太長了吏新太爺還長一丈八一票娘娘廟借珍珠八角轎傘一票表子舖借鋪陳膳粉馨香丑這個使不得要星夜製造纔是

亭前柳此郡鎮南方前任總尋常緣何差駢馬甚樣有輝光合憲綱前件開停當分付該房須急切要端詳前腔珠翠縷金裝怕沒現錢糧吏沒錢糧有處因公且科派事後再商量合憲綱前件開停當分付該房須急切要端詳

權官纔打劫

正官便交攝

支分各色人

遠遠去迎接

第二十二齣之郡

集唐隊子上結束征車換黑貂行人芳草馬聲嬌紫
雲新苑移花處洞裡神仙碧玉簫請了俺們駕上差
來護送公主駙馬爺南柯赴任去迤遞數程公主駙
馬起早也

滿庭芳生日衆上紫陌塵閑畫橋風淺鸞旗影動星躔
旦朝雲濃淡行色映花鈿爲問夕陽亭餞下鸞輿慘
動離筵合関南路春暉綠草何日再朝天

木蘭花令宮花欲喚流鶯住恰是南柯遷鶯處繡簾
嬌馬出都城寶蓋斜盤金鳳縷○華年得意頻相願
笑問卿卿來幾許綠槐風軟度行雲回首沁園東畔
路生公主自拜辭了君王國母不覺數程此去南柯
相近了左右趨行行介

甘州歌宮闈別餞擺五花頭踏迤迤而前都人凝望十
里繡簾高捲四方宦遊誰得選一對夫妻儼若仙合青
袍舊綠髻鮮大槐宮裏着貂獬香車進寶馬連一時携
手笑嫣然

扮官吏上南柯郡錄事差官吏投批迎接爺爺生取

看介發批迴前去伺候官吏應介

前腔生宮花壓帽偏問有何能德紫綬腰懸玉樓人並
翠蓋綠油輕展指揮風景遲去輦爲惜流光懶下鞭合
携琴瑟坐錦鞵一條官路直如絃遊春樣盡世緣秦樓
簫史弄雲烟

衆稟爺南柯郡界了丑南柯郡錄事參軍迎接老大
人生遠勞了丑不敢有新轎繖兵衛男女轎夫齊站
下班迎接生知道了就回丑應下內介合郡官吏迎
接爺爺生起去伺候內介生儒迎接老大人生請起
郡中相見應介內僧道耆老迎接爺爺生都起去內

教坊女樂們迎接爺爺生趨行衆妓鼓吹引介

前腔鸞鈴動翠鈿看滿前旗影冠佩翩聯爭來迎跪陌
上紅塵深淺邦君夫人鸞鳳侶父老兒童竹馬年合軍
民闌士女誼妓衣時襍紫衣禪彈箏戲擊鼓傳錦車催
怕日華偏

生遠遠望見如烟如霧鬱鬱葱葱者是何地方衆十
里之近南柯郡城生公主真好一座城臺

前腔遙遙十里前見葱葱佳氣非霧非烟雉飛鸞舞臺
觀疊來蒼遠似蘭亭景幽圍翠嶺春穀泉鳴浸玉田合
山如畫水似纏自憐難見此山川重門擁旌旆懸玉樓

金榜洞中天

〔內燈籠接上介〕眾稟太爺進城〔生〕今夕公館休息五鼓陞任

〔尾聲〕閃紗燈一道星球轉曜街衢檠戟森然公主和你且把下馬公堂笑鋪展

露冕新承明主恩

山城別是武陵源

集唐

笙歌錦繡雲霄裏

南北東西拱至尊

湯義仍先生南柯夢記卷上終

馬

